


ХЪУСАЙН ШОВХАЛОВ

КЪУРЪАН ДЕШАРАН ДОЗАЛЛА



ХЪУСАЙН ШОВХАЛОВ КЪУРЪАН ДЕШАРАН ДОЗАЛЛА

http://www.litres.ru/pages/biblio_book/?art=63177907

ISBN 9785005178077

Аннотация

– Къуръан дешар йоккха сийлалла ю— Къуръан дешарх йоккха ял хуьлу— Къуръан доьшуш верг Аллах1ана герга вахна ву— Къуръан дешар доккха ирс ду— Къуръан доьшуш верг лаккхарчу даржехь хира ву— Къуръане ладохаран йоккха ял ю— Къуръаных лаьцна хаза дийцарш

Содержание

ДЕШХЪАЛХЕ	7
МИЛЛИОНЕР	9
КЪУРЪАН ДОБШУШ ВЕРГ	16
Конец ознакомительного фрагмента.	19

КЪУРЪАН ДЕШАРАН ДОЗАЛЛА

ХЪУСАЙН ШОВХАЛОВ

СОВГАТАН ЛЕРИНА

© ХЪУСАЙН ШОВХАЛОВ, 2020

ISBN 978-5-0051-7807-7

Создано в интеллектуальной издательской системе Ridero

1998 шарахь цъхан дийнахь тхан нана Асет ойла юккъе
яхна цаеара. Цо собга элира:

*«Ойла юккъехь цъха зуда кхеттера суна маъждиг
чуьра ара йолуш. Цуьнца къамел хилира сан. Иза ой-
ла юккъахь долу юьртан-маъждиг чохь йолу хьуьжар-
рехь берашна къуръан хьоьхуш хиллера. Цунан цле Пет-
тIмат ю. Аса цуьнга хьо къуръан Iамада воуьйтур ву
элира. Хьо иза йолчу юьртан-маъждиге хьуьжаре къ-
уръан Iамада лела веза».*

Иштта тхан нанас къуръан Iамада дIавелира со ПетIма-
тиг. Сан итт шо дара. Цу хена суна дагахь дацара къуръан
Iамада ваха. Амма тхан ненан беркат хьалха даьлла, цун-

на шен доьзал кьурьан тIехь кхиа лаарна, цо хьуьжаре ара-
ваьккхира со кьурьан Iамада. Нана, ткъе цхьаь шо хьал-
ха ахь суна дина дика хьуна юха деара, ПетIматиг ахь су-
на Iамадайтина кьурьан аса хьуна хьийхира ши шо хьалха.
ЦултIехь дуьйна иза доьшуш кху дийне схьеьна хьо 56-зза
чекх а доккхуш. Хьайн хене, йоккхале ца хьобжуш Iамийра
ахь иза. Хьан бериге доьзале а Iамадайтира ахь кьурьан де-
ша. Баккьаллаь, Делан кьурьан дезначарех хилла хьо.

ПетIаматас кьурьан Iамадира суна. Iаьрби маттахь язъя
а Iамадира. Делан Элчани (Делера салават а, маршалла
а хуьлда цунна) нохчийн матте даьхна хьадийсаш а Iамади-
ра. Дуккху пайде хьехарш а ийцира цуьнгара. Дукха бераш
дара цуьнца кьурьан Iамош. ПIерскан де доцург, хIора дий-
нахь йиь урок лора цо, хIора урок шина сохьтехь луш. Хе-
нан йоккха стаг яра иза, луш алап дацара цунна, берашгара
я церан цIерачаьргара хIумма йоккхуш а яцара. Делахьаь,
и дериге тергал ца деш, Делан дуьхьа кьурьан хьобхура цо
тхуна.

Тахана ПетIмат яц Дала кьинхетам бойла цунах, амма
цуьнан метта хиттина цуьнан мутIеламаш бу, цо хьехна кь-
урьан хинцаь хьобхуш ду цуьнан мутIеламаш шеш Iамочу
берашна. Цо хьехначу хьуьжар чохь цо Iамийна, кьурьан
тIехь кхиййна бераш ду хIинца кхечарна хьобхуш. Таханаь
ПетIамати беркат дIахаьдда дац юьртан охIлух. Ма говза

хьобхура ахь берашна. Уьш 1еха деш, х1оранца юкъя мет-
тиг лохуш. Ма гена ойла йина хилла ахь айха хьобхуш. Цун-
дела, таханаъ ахь хьехна къуръан хъан мут1еламаш хьохуш
ду. Къад ялар, хало хилар, бераш дог эт1а дар, хъарца лелар,
и дериге хьо йоккха стаг йолушехь ла ловш, царех самукъя
долуш, Делан дуьхъа Делан къуръан хьийхира ахь. Дала ди-
канца бекхам бойла хьуна ахь Ше къуръан хьехарн.

Иштта со кхиинчул т1ехь со 1илм 1амо вахийтина, суна
цу т1ехь г1о диначу тхай нена вашан Хьусайнан а совг1ат
до аса х1ара жайна. Бусулба дина т1ехь ахь само ца яйти-
нехъара, 1илма деша ца вахийтинехъара, цу т1ехь г1о а ца
динехъара, жималлехь айса 1амийна къуръан гуттар диц дел-
ла хила мегар суна. Амма ахь иза дериге дар бахъана долуш,
къуръан кхиъ дика 1амо а, довза а, карла даккха а, цуьнан
къайленаш йовза а аьтто хилира сан. Аллах1о диканца бек-
хам бойла хьуна!

Цундела, х1ара жайна сайн беркатечу ненан Асетин а,
сайн хьалхарчу ларамечу къуръанан-хьехархон Пет1матин
а, сайн нена вешин Хьусайнин а совг1ат до аса. Дала х1ар
жайна шун дикачу 1амалшах дойла. Кхуьнан ял шун дика-
чу 1амалех хуьлийтийла. Шу ца хиллехъара къуръан 1амина
хира дацара аса.

Дела реза хуьлда шуна массарна!

ДЕШХЪАЛХЕ

Бисмиллах I иррохъманиррохъийм

Хастам бу Аллах I ана вайна Къуръан деллачу. Цуьнца вайн дахар серладаккхинчу. Цуьнца вайна ирс деллачу. Цуьнца дуьне а, эхарт а вайна довзийтинчу. Цуьнца вайх къинхетам биначу.

Делера салават а, салам а хуьлда Цуьнан Элчана Мухъамадна а, цуьнан ох I луна а, асхъабашна а, церан некъа т I ехъ волчу массо бусалбана а къемат де даллалц.

Лараме бусалба нах!

Бусалба доцу дерриге халкъаш вайх хьобгуш ду, вайгахъ долчу ни I матах. Иза шайгахъ цахиларна вайца хъаг I йолуш а бу. И ни I мат Сийлахъ-деза Делан Къуръан ду.

Дала иза делла Шеца ийман диллинчу наханна. Вай ду-кх уьш. Вай Аллах I аца ийман диллина бусалбанаш ду.

Лараме бусалба стаг! Къуръан дешарна йоккха ял ю, еза I амал ю иза, сийлахъ х I ума ду. Дала Шен Къуръан деша аьлла вайга. Иза дешаран дозалла билгал а дина вайна. Делахъ аь, тахана вай Къуръан дешар т I ехъ г I ийла ду. Вайха дукхахболучарна Къуръан деша ца хаа, ткъа иза г I алат ду. Цундела, Къуръан дешаран а, иза I аморан а яьл а, дозалла а би-

лгалла деш яздина аса х1ара жайна.

Х1унда аьлча нахана ца хаьа шаьш Къуръан дешча шайна мел яьл хуьлу, ткьа хаахъара цара иза доьшур дара. Цундела, хьуна г1оьнна ду х1ара жайна, х1ай бусалба ваша, йиша. Хьайна Къуръан дешча мел ял хуьлу хиьча, хьо иза дешар т1ехь кхин а сутара хир вуй хаьа суна. Х1унда аьлча, бусалбачу стеган куьцах ду йоккха ял хуьлу 1амал шена хиьча сихонца иза яр. Ткьа хьо бусалба ма ву, цундела хьобца и куц дуй а, ахь Къуръан т1ехь кьахьобгур дуй а хаьа суна. Дала мукълахь!

Шовхал Сайд-Селиман Хьусайн

14/01/2020

МИЛЛИОНЕР

Къуръан Аллах1ан къамел ду. Ткъа Аллах1ан къамел уг-гаре деза а, дика а, хаза а, маттана мерза а ду. Делан Къуръан доьшуш хилча Делера йоккха ял хуьлу. Иза доьшуш волчо хьобгуш долчу къинал дукха а хуьлуш.

Делан элчано (Делера салават а, салам а хуьлда цунна) аьлла:

<<Аллах1ан жайни¹ чуьра хьарф ешначунна цхьа мела хуьлу, ткъа и мела итт мела санна бу²>>.

Кху хьадисехь Делан элчано (Делера салават а, салам а хуьлда цунна) билгалдо вайна:

1-Къуръан т1ера цхьа хьарф (элп) дешначунна цхьа мела хуьлу.

2-И цхьа мела Дала итт меле кхочуш са боккху. Т1аккха цунна цхьа хьарф ешча итт мела хуьлу. Иза Делера йоккха комаьршалла ю Къуръан доьшучунна.

Мел йоккха комаьршалла ю иза Делера Шен Къуръан доьшучунна. Цхьауз къуръан дешначунна, цо иза уьттаза дешча санна мела хуьлу цунна!!

¹ – Къуръан.

² – Тирмизий,2910.

Делера ма доккха совглат ду иза декъала хилар лобхучу стагна. Ахь Къуръан т1ера дешна долу муьлхха х1ума, ахь уьттаза дешча санна хуьлуш хилча, Къуръан дуккха а доь-шущ хила ца веза хьо?

Къуръан т1ехь алсам къа хьоьгуш хила ца веза хьо, х1ай Делан лай?

Цу т1ехь само ян еза ахь, х1ай Къуръанаца ийман дилли-нарг.

Хьуна цхьа х1ума хаьий? Дерриге Къуръан цкъа дешна чекхдаьккхича мел ял хуьлу хаьий хьуна?

Дерриге Къуръан цкъа дешна чекхдаьккхича кхо миллион кхо б1е эзар (3300 000) мела хуьлу!!!

Ткъа и кхо миллион кхо б1е эзар уьттаза са даьккхича мел мела хуьлу хаьий хьуна?!

Аллах1у Акбар!

Дагар де... ойла е... дуста хьайн дагахь...

Иза хуьлу ткъе кхойтта миллион (33 000 000) мела хуь-лу!!!

Аллах1у Акбар!!

Миллионер ву-кх хьо!!

Х1ай Аллах1ан лай, ахь ойла йой цу белхан? Ткъе кхойтта миллион ял хуьлу хьуна ахь цкъа Къуръан чекхдаьккхича. Я Аллах1, ма доккха ни1мат ду иза.

Цхьа х1ума ала соьга, Дела Къинхетаме вуь хаьа-кх хьуна.

Ткъа Цуьнан кьинхетам мел боккха бу хьуна хаа лаахь, хьажа аса хьайга х1инца эр долчуьнга.

Дикка ешалахь.

Дала Къуръан чохь аьлла:

**Баккъалла а, дикачу (мелехь долучу) х1уманаша во-
ниш (къинош) д1адоху³.**

И х1ун бохург ду хаьий хьуна?!

Иза дера ду стага динчу цхьана диканна дуьхьал Дала цу стеган цхьа вон д1адоккху, цунна кьинт1ера а воу.

Ткъа ахь ойла е. Стага цкъа Къуръан дешна чекхдаьккхи-ча, цунна ткъе кхойтта миллион дика хуьлуш хилча, оццул Дала цу стеган къинош геч а дой д1адоху цу стагана т1ера!!!

Аллах1у Акбар!

Лá илáх1а иллаллох1!

Я Аллах1, ма доккха х1ума ду иза!

Ахь ойла е, оццул къинош стагана т1ера д1адохуша хилча, къа диса а дуьсур дуй-те цунна т1ехь. Я Аллах1, ма боккха бу-кх Хьан кьинхетам тхьобца! Я Аллах1! Ма доккха дика дина Ахь тхуна Хьайн Къуръан даларца, иза тхуна деша мо-гашалла яларца, иза тхуна 1амадарца, иза тхьогга дешийтар-ца. Хастам бу Хьуна, х1ай тхан везан Дела! Хастам бу Хьуна!

Суна схьахетарехь, х1ара хиьначул т1аьхьа цхьа а 1ийр

³ – Х1уд, аят: 114.

вац Къуръан ца доьшуш, иза шена деша ца 1амош! Къуръан 1ама а дина, юх-юха чекхдаккха ца лууш цхъа а вуьсур ву аьлла ца хета суна.

Вай тидам ца бо Къуръан т1ера цхъа элп дешча итт элп дешча санна мела хуьлу бохучун, амма хьо иза дагардан воьлча хьераваллал х1ума карадо. Цундела, Къуръан деша деза вай. Дуккха а деша деза, ваьшна дуккха а мела баккхархъама, эхартахь вайна цунах бекхам хилийтархъама.

Амма тахана вай Къуръан т1ехь къахьегарца г1ийла ду. Къезиг нах бен бац Къуръан доьшуш 1амал еш берш. Дуккха нахана Къуръан деша ца хаьа. Ткъа цул а галдаьлларг – иза шена деша 1ама а аца г1оьрта. Тайпа-тайпана бахъанаш лобху: *«хан яц, 1емар дац, воккха хилла, жима вац, корта бац, д1алацалур дац, ва.. ва... ва..»* – иштта д1а кхин а дуккха а бахъанаш.

Амма хан хуьлу цуьнан деха сахътанашкахь телевизор хьежа а, телефон чу хьежа а, накъосташца хан яккха а, шен г1уллакхаш дан а, амма цу Къуръан т1е куьг ца кхочу-кх цуьнан. Къуръанна хан ца карайо-кх цунна. Иза бакъ дац. Бакъдерг, цунна лаам ца карабар ду. Иза ду бакъдолу жоп.

Лаам ца хилар – Эхартан са къезиг гаттадар. Дуьне хьалха даьккхина хилар, эхарт т1аьхъа а теттина. Дуьне ма лаха ца боху бусалбачу дино, амма иза Къуръан д1а а тасий ма лаха боху, Къуръанац лаха боху, т1аккха хьайн г1уллакхех беркат

хир ду хьуна.

Тахана хьуна цхьа болх нисбелча, цунах хьуна луш долу алапа уьтгаза са доккхуш хилча, иза болуьйтур барий ахь ца беш?

Бацара. Вайх цхьаммо а бацара.

Цу белхан алапа ткье кхойтта миллион хилча ца беш 1 ийр дарий вай иза?

Аьттехьа а дацара!

Х1унда аьлча, миллионер хир вар-кх хьоьх т1аккха. Ткьа хьанна ца лаьа миллионер хила?! Массарна лаьа. Бакьду, бакьдолу миллионаш эхартахь хьуна карор дерш ду хьуна. Дуьнен миллионаш дуьненахь дуьтура ду ахь, эхартахь хьоьца хир дац уьш. Амма ахь Кьурьан доьшуш гулбина миллионашкахь болу мела эхартахь карор бу хьуна.

Т1аккха вац хьо миллионер?!

Дера ву-кх, Кьурьан доьшуш верг бакьволу миллионер а, миллиардер а!!

Цундела, дуьненан дуьхьа вай и кьахьоьгур хилча, эхартан дуьхьа а кьахьега ца деза вай?

Вайна даима дуьсур дерг эхарт дац?

Дуьне дита а дитина д1аг1ур долуш дац вай эхарта, ткьа цига вай д1ахьур долчу уггаре даккхийчу а, дукхачу а диканех ма ду Кьурьан дешар. Цу т1ехь ойла е, х1ай Делан Кьурьанаца ийман диллина бусалба стаг!

Ахь бахъанаш лобхур-м ду, амма хъуна хъайна ма хаъа, хъ-айн кийрахь, ахь лобху бахъанаш мел бакъ ду. Хъажа, **Дала Къуръан чохь х1ун боху бахъанех лаьцн а:**

<<Адам шен кийрахь дерг дикох хууш ду. Цо мел бахъанаш даладахь а⁴>>.

Тахана Къуръан 1амадан аьтто бац хъан? Иза хъуна 1амадан цхъа вац? Могашалла яц хъан? Аьтто бац хъан?

Я лаам бац-те?

Дала Къуръан чохь ма боху:

<<Баккъалла а, Къуръан деша атта дина Ас, цхъа вуй иза деша лууш⁵>>.

Аллах1у Акбар!

Дала Ша атта дина боху Къуръан деша луучунна, мила ву из деша лууш, Аса цунна 1амор ду иза – боху Дала. Дела ма ву хъуна Къуръан 1омуьйтуш верг, хьо ма вац. Цо г1о дийр ду хъуна иза 1амадан.

Бакъду, Къуръан 1амо уггаре дика хан жималла ю. Ткъа жималлехь 1амадар ца нисделлехь, воккха хилча 1ама ма де бохург ма дац иза. Къуръан жимачунна а, воккхачунна а доссийна ма ду Дала.

Тахана вайна гуш ма ду, къаналле бирзина болчу дукха на-

⁴ – Аль-къияма, 14.

⁵ – Аль-къамар, 22.

ха Къуръан 1амадеш, дуккха а деша а доьшуш чекхдоккхуш
схъабог1уш буй.

Цундела, цу йоккхачу йолах ма валалахъ, х1ай бусалба
стаг, бак

къалла а Дала боккха кьинхетам бина хьохъ хьо бусулба
варца, хьуна Къуръан даларца, из дешча оццул йоккха ял
яларца, хьуна иза 1амадан аьтто барца, иза 1амо атта хилий-
тарца.

КЪУРЪАН ДОЪШУШ ВЕРГ СТОЪМЕХ ТЕРА ВУ

Къуръан доъшуш къахъоьгуш верг дикачу стоъмех тарвина вайн Элчано (Делера салават а, маршалла а хуълда цунна). Иза стоъмех тарвар цхъана доккхачу хъикматана ду. Хъажал:

Делан элчано (Делера салават а, маршалла а хуълда цунна) аьлла:

<<Къуръан доъшуш волу муъмин стаг стоъмех (цитрон) тера ву: Хъожа а дика ю цуънан, чам а дика бу цуънан. Амма Къуръан ца доъшуш волу муъмин стаг тамрах (екъачу хурмах) тера ву: Хъожа яц цуънан, амма чам мерза бу⁶>>.

Кху хъадисехъ Делан элчано (Делера салават а, маршалла а хуълда цунна) бусалбачу стеган Къуръанац долу хъал билгалдо. Шина кепе вина цо иза.

Цхъаъ Къуръан доъшуш верг ву. Иза цитрон олучу стоъмех тарвина, и санна ву аьлла. Х1унда аьлча, цитрон стом шен чам а, хъожа а йолуш бу. Шех хаза хъожа йог1уш, мерза чам болуш стом бу иза. Иштта ву Къуръан доъшуш волу бусалба стаг а.

Шен чам мерза бу цуьнан, хьожа а хаза ю цуьнан. И бохург шен кийрахь дика ву иза, ткъа шен дикалла шена гонаха болчарна д1алуш а ву иза, стоьмо шен хьожа д1аяларе тера. Цунна уллехь нислучунна цуьнан дикалла хаало.

Амма Къуръан доьшуш воцу бусалба стаг якъаеллачу хурманах тарвина. Якъаеллачу хурмана чам мерза хуьлу, амма хьожа ца хуьлу цуьнан. Цу кепара ву Къуръан доьшуш воцу бусалба стаг, шен кийрахь дика ву иза, амма шена гонахарна шен дикалла даиманна д1алуш вац иза. Цунна т1еца-тоьург Къуръан ду. Кхочуш дуьззина дац цуьнан бусулбаналла. Амма Къуръан доьшуш иза хилча, цунна гонаха болчарна хаало, цуьнан беркат кхочу цаьрга.

Иштгачу стоьмех тарвина Делан элчано (Делера салават а, маршалла а хуьлда цунна) Къуръан доьшуш а, ца доьшуш а волу бусалба стаг.

И шиь стоьмех тарварца Делан элчанна (Делера салават а, маршалла а хуьлда цунна) лууш дерг вай кхеташ долу масала даладар ду. Вайна хаьа шен чам а, хьожа а дика йолу стом г1олахьо буй, шен чам дика а болуш, амма хьожа йоцчу стоьмел.

Делахьа а Къуръан доьшуш вацара аьлла иза дика стаг вац ца бах Делан Элчано (Делера салават а, маршалла а хуьлда цунна). Иза бусалба стаг хиларца, цуьнан чам дика бу бах цо.

Амма и чам шен хьожанца кхечарна дехъа ца болу цуьнан,
иза Къуръан доьшуш цахиларна, цундела кхоччуш дикалла
яржош вуьззина вац иза бохург ду иза.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.